

廿六年十二月

劇中人

當劇者

編者

雷炸

江灣月

期前收回

請勿遺失

雷炸江灣月

殿前侍衛

李天龍

天龍

白玉堂

天朝文官

江湖老俠

白廷忠

何首烏

曾三多

花粉

天朝群主

蓮心

林超群

白芍

江湖女俠

白銀花

銀花

李艷秋

白朮

天朝王帝

人中王

龐順堯

麥芽

匈奴霸主

金蛟滕

勾籐

張活游

黑風山頭目

兵部尚書

牛剛

牛黃

何少珊

朱苓

匈奴軍師

錢廣智

牛七

黃蘭樓

沙化

護駕將軍

黃欽

黃岑

鄧丹平

沙參

天朝貴妃

白蓮

黃蓮

吳碧君

(第一場之一) (宮闈內景)

(打引) (宮女芝萸企洞) (郡主蓮心上念司) 錦城簫管夜不休。鐵馬金戈動地愁。(埋位) 國破山河在。城春草木深。深時花濺淚。恨別鳥驚心。(白) 哀家蓮心郡主，可恨匈奴稱兵入寇，兄王酒色昏迷，這幾天連失重關，真是令人愁悶呀，也曾命人打聽軍情，宮女，靜候

消息

(地錦) (宮女麝香上參見介)

(蓮心問有何消息介)

(麝香白) 郡主，不好，聞得匈奴有戰書到來，要求萬歲將郡主和番

(蓮心白) 乜話，匈奴要哀家和番(介) 做也不得，對哀家問過兄王，怎樣處置，宮女燒香侍候，哀家片時就回了(下)

(麝香白) 花園燒香，一同下去

(芝萸白) 遵命

(同下)

(落幕)

(二場之一)(配宮闈外景)(正面宮門)

(梆子首板)(殿前侍衛天冬按劍把守宮門企幕唱)未央宮，司警衛，身閒責重。(開邊開幕)(英雄

白)腰橫寶劍氣如虹。年年鎮守未央宮。辜負英雄好身手。不向沙場立戰功。(慢板頭

鑼鼓按劍紮架的的唱禿頭霸腔士工慢板下句)辜負了，天生我，蓋世英雄。辜負了，俺

天冬，天生神勇。(收掘浪裏英雄白)寧願裹屍為馬革。不甘沐首作猴冠呀。(滾花下句)

恨我請纓無路，報國無從。耳邊廂又聽得環珮叮咚，陣陣香風吹送。(介)(收下句)卻

原來郡主駕到，我就寸心欣慰暫放愁容。

(搯沙鼓)(的的的的)

(蓮心郡主上至台口企定一才轉仄才見天冬)

(摘才，天冬一見郡主愁眉頓開陪笑口古)郡主也咁匆忙，你欲何往呢。

(蓮心口古)因為心中有事，急於覲見兄王。(轉身欲行入宮)

(天冬攔住口古)主上方纔有龍旨降。話享宮中宴樂一直飲到大天光。。無詔不得入宮，違者當堂綁。郡主不如唔覲見就罷，免至獲罪當堂。。

(蓮心白)乜話，無詔不得進宮，不如唔就罷(介)我的天呀(士工滾花)國事如斯，眼見得無乜希望呀。(哭相思)罷了先王呀

(天冬花下句)郡主何須如此，攪到我意亂心慌。。(白杭)郡主何必咁淒涼，萬事丟開要把閒愁放，你喊極郡主都唔知，眼淚流得太冤枉，究竟為乜咁傷心，唔怕對我來直講，來直講

(雷二之二)

(蓮心白)國事蝴蝶莫可說，教人哪得不傷心呀(士工慢板)聞說道，單于王，有條件要求，未知內容點講。(拉腔收掘)

(天冬浪裏白)提起匈奴真霎戇，之想落佢的條件都唔算荒唐呀(另場士工滾花下句)我要將佢芳心試探，是否垂青，愛及我呢個殿前侍衛執戟郎。。我久欲向佢求婚，惟是階級懸殊，不敢

對嬌直講。好等我借機會，先靠激，不用狼忙。。走上前，施一禮，恭喜你紅鸞星旺。（白
杭）匈奴嘅條件，唔算係奢望，佢要求你和番做番婆，與番王結鳳凰，你若肯應承，立刻
就定國又安邦，不用再憂愁，不必再O抵抗（雙句）

（蓮心頓足滾花下句）我一聞此語心內徬徨。。憤奮填膺悲聲放。（哭相思）

（天冬花下句）喂，你地門當戶對，地位相當。。

（蓮心口古）乜野叫做地位相當，你的言詞真係令人失望。我寧願嫁一個多情嘅百姓，唔嫁個番鬼
魔王。。你一向主張戀愛自由，點解而家連個都係咁講。枉我一向以知心待你，原來你係
一個冇心郎呀。。（花上句）無謂多談，不若回宮往。（欲行介）

（天冬攔住花下句）前言相戲，嬌你莫怪我疏狂。。郡主既係真情，我有良謀說項。

（蓮心下句）原來你將人激吓，究竟有何良法都要丈你幫忙。。

（兵部尚書牛黃卸上）

(天冬接起禿頭中板) 我自從，得見嬌姿，不覺蠶

(雷二之三)

絲自綁。心裏話，倘若得蒙青眼，我就沒齒不忘。惟是細思量，你我階級懸殊，豈敢擅存奢望。點知道待不思量也思量，便不思量也斷腸，千回萬轉死心塌地，依然夜夜想到天光。

今日荷天憐，得你知己相稱，我就不嫌草莽。(收掘)(白杭)何不將計嚟就計，拒絕單于

王，直情話你共我訂咗婚，有夫之婦唔到佢希望，唔到佢希望

(天冬白杭) 確係好計謀，理直又氣壯，惟是答答羞人，叫我點對兄皇講

(牛黃實出接白杭) 好計謀呀好計謀，不過有樣唔妥當，因為你係堂堂郡主貴胄天潢，點能嫁個侍衛

官，分明大炮擺嚟講，不如嫁咗我，此計就無妨，我亦唔失禮，堂堂尚書才貌又相當

(天冬白杭) 尊聲牛尚書，說話唔好亂咁講，你年已五旬，生得又咁矮，點能與郡主結鳳凰，各有前

因莫羨人，郡主咪聽佢嚟亂撞

(牛黃白杭) 大膽荒唐，乜咁霎戇，你芝麻綠豆嘅侍衛官，敢與老夫來對抗，尊卑上下都唔分，老夫唔配同你講

(天冬冷笑白杭) 真係笑話成堆，廉恥盡喪，喂咪估你做大官就可恃勢欺人無理講，實在你罪大惡極都唔知，等我略陳你嘅罪狀，你手握兵權為尚書，兵臨城下都唔抵抗，成日掛住剷地皮，誤國害民真冤枉，你尊號叫做牛黃，不愧牛精多草莽，無故侵犯人自由，重話唔配同我講，過路就快躡屍，唔駛兩頭望，唔駛兩頭望

(雷二之四)

(牛黃白) 可怒也 (士工花) 你膽大包天將老夫頂闖。真係不知死活罪難當。怒沖沖，舉起拳頭將你心口撞。

(天冬亦怒拳相向)

(蓮心一攔兩攔三才，三人同紮架，蓮心托住兩人拳頭收下句) 有事情需要慢慢講，莫亂朝綱。耳

邊廂，又聽得聖上駕臨龍旨降。

(兩宮女宮燈點着，兩太監跟隨)

(兩貴妃花粉、黃蓮扶天朝皇帝人中王，唱醉酒慢板腔下句) 就叫宮娥，參就參扶我，出宮門，看

一看，尚未天光。。(收)

(蓮心、牛黃、天冬同跪白) 覲見萬歲

(人中王白) 平身站起

(蓮心、天冬、牛黃同謝恩起身，仍怒目相看，蓮心急以手扯天冬企開)

(人中王覺得出奇口古) 你地因何突眼睜眉怒容相向。究竟為乜原故，快些面奏為王。。

(牛黃口古) 臣為國事擔憂，晚晚想到我幾乎心都創。好彩忽然有妙計可以拒絕番王。。若果主上賜

郡主與我成親，我地就自然理直氣壯。有夫之婦點能再嫁佢番邦。。點知啲個侍衛咁荒唐，

直係不知自量。想爭郡主嫁佢，享處大亂朝綱。。

(天冬口古) 主上莫聽佢胡言，佢反轉嚟亂講。佢貪功構陷，想蒙閉君王。佢好命經已抱孫，實在鬥定棺材都唔算冤枉。不應迫脅郡主與佢結鸞鳳。計策係我想到出嚟，佢反惡人先告狀。主上你若然唔信，問聲郡主就明白當堂。。

(雷二之五)

(蓮心口古) 實在係天冬將軍嘅高見，兄王你採用都無妨

(人中王白) 採用無妨(介)(口古) 恐怕番鬼野蠻，佢唔同你咁講。若果一於講惡，咁就有乜良方。。

(天冬口古) 臣願領一旅之師出城抵抗。不怕衝鋒陷陣，力保我皇。。

(牛黃口古) 冇用嘅，何必舞爪張牙去沙場命喪。有我念經拜佛，天神庇祐自可定國安邦。。

(人中王口古) 你兩位不用爭持，等我出重花紅獎狀。總之邊個能救國就賜郡主結鸞鳳。。

(天冬口古) 好，臣願救國興兵，首先出城抵抗。

(牛黃口古) 咪住，救國唔駛去打嘅，睇我妙計興邦。。(土工花) 昨晚我夜觀星辰，睇見帝星光旺。。

念經請佛爺保護，自有天神天將捉番王。。

（蓮心接花唱）迷信無憑，兄王莫聽他講。總要出師抗敵，就可保家邦。。

（天冬白）主上呀（霸腔爽中板）迷信誤人家國喪。若還不覺悟就自取滅亡。。國已瀕危須抵抗。縱

然戰死勝投降。。主上快傳旨出兵（轉滾花）毋庸觀望。

（人中王花下句）既係天機注定，料然不戰也無妨。。牛尚書道術高強，卿家毋庸咁草莽。都要暫時

忍耐，遵照為皇。。傳御旨，擺駕御花園，賞玩百花開放。（率宮女眾下）

（牛黃花下句）老夫伴駕不負好春光。。（大笑揚揚自得搖擺而下）

（天冬水波浪霸腔士工花）真係國有讒臣，國事就無希望。安得橫磨十萬，把奸臣誅滅卻敵興邦。。

（蓮心滾花）君縱英雄，可惜你隻手難將強敵抗。縱或兄王有令，爭奈寡難敵眾惡提防。。

（雷二之六）

（天冬滾花）有皇令就大不相同，可以班兵將敵創。我重可以重關飛渡，召集江湖豪傑復出幫忙。。

但係無御詔也是枉然，辜負我英雄膽壯。（收掘）（白）吖嘎吖嘎（三才攤手作無辦法介）

（蓮心鑼鼓做手花下句）不如等我學下空空妙手，偷用御璽關防。。君你不用憂愁，在此替儂守望。

（下什邊）

（天冬目送之花下句）真係琴心劍膽，勝過佢個大夢兄王。。他日若得救國功成，與佢效鴛鴦，學吓畫眉張敞。我便功名敝屣，江湖隱逸詠滄浪。。而家佢初學時遷，難免手震心驚，真係令

人掛望。

（蓮心帶御旨上收滾花下句）幾乎撞板，嚇得我鬼咁心慌。。（交御旨與天冬介）

（天冬接御旨大喜白）好吖（快中板）一見丹書心花放。千思萬謝永不忘。。

（蓮心快中板）你星夜出城班師往。沿途珍重謹慎行藏。。

（天冬接唱）拜別登程心膽壯。（出門三才掛腳下）

（蓮心花下句）不愧英雄柱石保家邦。。（下）

（落幕）

(第三場之一)(黑夜城外景)(衣邊硬城)(正面山野)

(牌子斑竹馬，四手下高提點燭燈籠、匈奴先鋒川卑蟹、軍師牛七、大王勾籐上同唱完)(勾籐白)

我們分兵三路，四邊巡查，不得有誤

(川卑蟹、軍師牛七同白)得令

(勾籐率川卑蟹、兩手下衣什邊分下)

(牛七與兩手下留場)(牛七白)眾三軍，在此把守，防備敵人偷出城門，不得有誤

(兩手下白)得令

(牛七坐下取熟煙捲針嘜，兩手下各取煙出吸，目向台口，牛七叫士講古，軍士云今晚輪到軍師你講，

牛七於是開始講古)(此古筆難盡述，容當面授)

(當各坐下吸煙之時，天冬扮一高鬼自城上垂下，恰可講古完，遂大作嚇人舉動，講古完眾人大笑，

坐近什邊之手下甲狂笑，間忽瞥見城頭大鬼，立即停笑，以手推軍師牛七，牛七仍不覺猶

狂笑，叫咪反，及再推乃回頭望，登時毛骨悚然，三人一路震起身，手中軍器、燈籠不由自主紛紛跌落地，欲走不能，只有呀呀而驚叫，兩手下立即嚇暈倒地，軍師更加驚慌）

（天冬由身上取一繩將軍師綁住手塞住口即脫去鬼殼蓋在軍師身上白）喊吔好，依吔好，老爺去了（三

槌入場）

（呿呿）（勾籐、川卑蟹、兩手下復上見鬼大驚）

（牛七口不能言，手不能動，只有亂跳追人，眾人大驚至秩序大亂時）

（落幕）

(第四場之一)

(配忠義堂景)

(打引)(頭目朱苓開黑面提大刀企洞)(黑風山老寨主何首烏上念引)黑風山上振雄風。江湖閒煞老英雄。。(埋位英雄白)忠義千秋振。威名四海驚。。帳前雙寶劍。夜夜不平鳴。。(白)孤家，何首烏，當年天朝皇帝駕下為臣，屢建奇功，蒙先王喜悅，封為護駕將軍，誰料奸相弄權，將俺架害，是俺一時之氣，殺了權奸父子，因此觸怒天顏，將俺推出午門問斬，多蒙恩官天冬仁義，將俺私放出關，江湖亡命，在黑風山上獨霸稱王，這也少言，聞得匈奴稱兵侵犯天朝，勢如破竹，未知真假，左右打聽

(雙槌)(銀花上白)忙將天朝事，報與父王知(介)參見父王

(何首烏白)站立，女兒打聽天朝消息，事體若何

(銀花白)父王不好，匈奴利害，圍困皇城，國家危在旦夕，父王定奪

(何首烏白) 嘎，好個大膽的匈奴，欺俺中國無人，我兒傳令眾家兄弟，立刻興動人馬，救國解呀圍

(擲令)

(銀花喜白) 得令 (正行幾步)

(何首烏白) 轉來，我想昏君聽信讒言，是孤當時有言在先，永不替他出力，如今哪有兵馬與他解圍，

我兒慢走，原令交回

(銀花白) 出兵是你主意，不出兵又是你主意，交回唔係交回 (徽令不樂也)

(何首烏白) 唏，我兒何用如此，爹爹問你，這個消息，從何得來

(銀花白) 不錯，乃是天冬恩官到來，對兒說知

(何首烏) 乜話，恩官到了，何不早講，吩咐大開中門

(小開門) (天冬懷御旨上)

(何首烏、銀花出迎)

(何首烏一見天即上前見禮)

(第四場之二)

(天冬連忙還禮)

(何首烏請天冬進帳)

(銀花在旁看見行禮互讓情形覺得好笑)

(天冬、何首烏互讓，卒搭手同行，天冬客位坐下)

(何首烏白) 且慢，恩官乃是老夫救命恩人，請上受某一拜

(天冬白) 不敢當了(還禮坐下)

(何首烏白) 女兒過來，快些上前拜見恩公

(天冬還禮白) 三年不見，小姐長大了

(銀花心愛天冬，聞言大喜白) 我今年成十七歲嘅嘍

(天冬白) 咁你杯酒快飲咯

(銀花羞笑站回何首烏側邊)

(何首烏白) 不知恩官駕到，失了遠還，當面恕罪

(天冬白) 豈敢，聞進寶山，多多得罪

(何首烏白) 好說，請問主上龍安

(天冬白) 主上安康

(何首烏白) 滿朝文武可好

(天冬白) 倒好，還安好，是呀，他們個個托俺代向老將軍請安

(何首烏白) 多謝他們，請問恩官到此有何貴幹

(天冬白) 不錯，一來問候金安

(何首烏白) 二來呢

(天冬白) 二來麼(介) 不錯，專為救國而來，老伯聽道也(快中板) 可恨匈奴稱兵反。勢如破竹奪重關。國家危亡在一旦。特來請救把兵班。

(何首烏大笑) 嘎嘎嘎(快中板) 聽道匈奴稱兵反。由他作反與俺無關。恩官遠來多簡慢。擺酒相待多住荒山。

(四之三)

(銀花接唱) 恩兄為人真堪讚。在此多住食西餐。

(天冬白) 且慢(快中板) 國家將亡須救挽。豈容忽視當為閒。萬望興兵平國難。解圍之後至食西餐。

(何首烏接唱不停) 誰教昏君良心喪。要我起兵相助難上加難。

(天冬接唱不停) 雖是昏君良心喪。匹夫有責挽河山。

(銀花接唱不停) 要我興兵平國難。除非昏君下跪我打佢一餐。

(天冬接唱不停)念在卑某面上。起兵救國恩不忘。。

(何首烏接唱不停)此事恕俺難遵辦。(拉短腔不用鑼鼓)

(銀花接緊不停下句)難上加難難上難。。

(天冬接緊不停上句)勸你性情休太板。(拉短腔不用鑼鼓)

(何首烏接緊下句)恩官休太不憚煩。。(收慢)你又何不憚煩

(天冬白)不好了(士工花)枉我一片苦心說盡言千萬。佢堅持不肯挽狂瀾。。時日無多如何救挽。

(介)猛然醒起聖詔在腰間。。(口古)要主上向作你(左口右危)求實在容易辦。有詔書

悔過，請你力挽河山。。(交書)

(何首烏白)乜話，有詔書悔過(接書略看大笑)吓吓，吓吓，令老夫好笑呵吓吓吓

(天冬白)老英雄因何好笑

(何首烏口古)國家大事，你估同細老哥反。國璽都會調轉給，乜兒戲得咁交關。。

(天冬大驚接看改轉笑容口古) 或者忙中有錯，一吓唔帶眼。求祈主上肯認錯，呢的小節當係好閒。
(何首烏忽然發怒口古) 乜嘢叫做詔書，真係唔在我眼。哦哦哦，你分明將聖旨來壓我，監我做大難。

念在你係我救命恩人，否則將你重打八十大板。此事無庸再講，今晚享處

(四之四)

食番餐。。(拂袖而下)(衣邊)

(天冬強笑遮醜白) 烏呵，一碗貓麵加二兩貓油

(銀花匿笑白) 我都唔得閒陪你呀，你隨便坐喇吓(行入內便)

(天冬惶急，追扯銀花番轉頭口白) 喂，雖則主上得罪咗你地，惟是國家興亡，匹夫有責嘍，國亡之

後就要做人奴隸嘅咯嘍

(銀花白) 你唔在講嘞，呢的道理我明，不過亞爹的脾氣，係好古板嘅，我都有辦法嘅嘍

(天冬白) 喂，你(左口右危) 佢容易的嘅，唔該你同我勸吓佢喇

(銀花白) 叫我勸亞爹出兵，唔知得唔得呢，咪嘞，我勸佢都得，你有乜野酬勞我呢

(天冬白) 金銀珠寶，任你喜歡

(銀花白) 金銀珠寶，我也都唔喜歡

(天冬白) 咁你喜歡要乜野，就幾艱難都我俾你

(銀花白) 咁呀呀，我歡喜要你……之唔話嘞，咁醜不如第日等亞爹至同你講嘞，不如咁啦，你而家

向我叩一百個響頭，我就勸亞爹出兵嘞

(天冬白) 嘩，擺命咩，男人膝下有黃金，唔得唔得

(銀花白) 唔得我又唔制啫，人地為國犧牲性命都得咯，叩吓頭都話唔得，唔得罷就，你隨便坐喇吓

(行介)

(天冬急扯住白) 喂喂喂，真係要叩頭

(銀花白) 係定喇

(天冬白) 為國嘍，也都制一醬喇，叩嘅囉

(銀花白) 叩囉

(天冬無奈叩頭)

(四之五)

(銀花數住一個兩個，立即心中不忍止住，謂唔在再叩，見你幾聽話，啲的留番將來至叩，囑天冬稍候，便即走入衣邊下)

(沖頭)(銀花扯何首烏上，何首烏口古) 你因乜情由，拉住老豆。

(銀花口古) 我決心救國，向爹你請求。

(何首烏口古) 食君祿者擔君憂，何必我地去救。

(銀花口古) 匹夫亦各有責，須要共話同舟。爹你唔肯出兵，等於開門揖寇。叫我做奴隸，不如一

死免貽羞。(奪劍自殺)

(何首烏一攔口古) 我豈無心將國救。不過想激番昏君一陣，來等待最後關頭。

(天冬口古) 最後關頭就係如今時候。

(何首烏白) 好，乖女傳令，台集眾貔貅。

(銀花白) 得令(介) 吔，傳令各寨英雄，點兵侍候

(小開門)(八手下、二頭目沙仁、沙參兩邊上)

(何首烏英雄白) 寨光明甲冑。十萬眾貔貅。齊心須奮鬥。敵愾賦同仇。(白) 吔，如今國難最

重，已至最後關頭，因此台集各路英雄，出師救國，明日午時三刻，兵進江灣，違令者斬

(眾白) 得令

(落幕)

(第五場)(正面大畫明月峭壁荒江夜景)(正面枱處硬景小山)

(擂大鼓)(八手下各執燈籠火把，三個頭目引天冬、銀花、何首烏上，穿三角，三槌同紮架)

(天冬白杭)傳令眾貔貅，已經來到江灣口，今晚月明如晝，大家依我計謀，總要人人齊夾手，地雷

埋伏在山丘，銀花小姐襲敵營，一見番王要敗走，引他來到三更後，老將軍截住佢後頭，四邊用火攻，地雷炸到佢冇路走，炸到佢全軍覆沒，燒到佢片甲不留，大家依計而行，違令者

斬首(重句)

(眾同白)得令

(天冬入場化裝)

(何首烏、三頭目埋伏正面假山)

(銀花、八手下入衣邊)

(打三更)

(沖頭)(銀花衣邊敗上，勾籐追上大戰，銀花敗入什邊下)

(何首烏正面假山殺出大戰勾籐，首烏敗下)(勾籐大笑)

(川卑蟹、四手下衣邊上)(白)狼主，此乃江灣所在，須防伏兵

(勾籐白)這樣殘兵，縱有十面埋伏，孤何懼哉(大笑)

(燃大底三聲)(何首烏、銀花、三頭目一條殺上，全場三面齊撒火粉，單打西洋大銅鼓作地雷聲)

(川卑蟹及四手下燒暈，倒地死了)

(勾籐三次力沖，始冒火沖出入場)

(落幕)

(缺第六場)

(第七場之一) (配金殿景)

(土工滾花) (牛黃上唱) 捷報飛傳單于授首。(沿台)

(撞上) (牛七帶兩美女、兩小軍各托方盒禮物，一見牛黃立即跪下收花下句) 請你高抬貴手釋楚囚。

(白杭) 敝國寡君，被擒失手，求你講情，卸免斬頭，萬代瞻恩，一齊叩首，一齊叩首 (亂叩頭無數)

(牛黃白杭) 整乜東東，食薑咁口，救你番王，的確棘手，叫我講情，一於擰頭，一於擰頭 (搖頭介)

(牛七白杭) 萬兩黃金，千埕美酒，兩位美人，明珠十斗，萬望開恩，高抬貴手 (雙句) (袖出明珠

三大串獻上)

(牛黃接珠大喜好笑白杭) 禮物咁多，點能領受，好，即管送到我府中，等我盡力來解救，你不用驚

惶，我府中來等候 (雙句)

(牛七口古) 多謝幫忙，我回步走。

(牛黃口古) 有我設法，你莫擔憂。。

(牛七白) 請呀 (率二美人、二小軍什邊下)

(牛黃口古) 呢一注外江財，唔要就咩。等我磨尖把咀，替佢分憂。。至得

(雁落平沙) (三文官白芍、白朮，麥芽逐個上，見牛黃一揖站班，收雁落平沙)

(牛黃口白) 主上臨朝，一同排班侍候

(眾白) 有理請

(大點) (四御軍、二太監、四宮女、宮燈、羽扇、人中王上唱) 朝朝臨朝成習慣。不及漁翁樂清閒。。

聞報將軍經已平外患。匈奴授首笑開顏。。擺駕金鑾歡無限 (介)

(郡主蓮心拜上)

(人中王坐定收下句) 兩邊文武立朝班。。(白) 聞得匈奴授首，外患已平，究竟詳情若何，眾卿快

些啟奏，以慰龍心

(蓮心白) 啟奏兄王，殿前侍衛天冬，出奇制勝，生擒匈奴，現

(七之二)

在午門候旨，兄王定奪

(人中王白) 有此內監，宣他上殿

(大太監白) 呔，聖君有旨，天冬上殿

(七槌頭)(天冬上唱) 天生我才必有用。沙場殺敵顯英雄。聖旨傳宣如雷動。金鑾殿上紀奇功。

準備今宵諧駕夢。美人如玉劍如虹。金殿撩袍步縱。(介) 三呼萬歲氣雍容。(白) 微臣

見駕願王萬歲萬萬歲

(人中王白) 平身

(天冬白) 謝吾王(轉身傲視牛黃介)

(人中王白) 聞卿生擒蠻王，究竟用何妙計，快些當殿奏明，以便史館紀功

(天冬口古)擒賊擒王天庇祐。且將奇計說從頭。。也(食住鑼鼓拉山紮架唱爽反線中板)我夜出重關班兵取救。召集江湖豪傑賦同仇。。個晚雷炸江灣月明如晝。殺到匈奴片甲也不留。。燒到單于無路走。鬍鬚燒盡變個黑炭頭。。我卻巧擒漁家將巨救。當堂俘虜變楚囚。。(催快)

此乃我王鴻福夠。又因眾豪傑出奇謀。。現在午門齊恭候。願皇傳見論功酬。。

(人中王白)好呀(快中板)賢卿英雄真少有。凌煙閣上名播千秋。。(白)有此賢卿，傳孤口諭，

宣眾英雄上殿

(天冬白)領旨(介)呔，萬歲有旨，何首烏父女上殿

(首烏、銀花同內白)來也(首烏什邊，銀花衣邊，搯沙鼓一輪然後三槌兩邊上亮駕轉打引鑼鼓開台

口何首烏英雄白)雷炸江灣天下動。

(銀花英雄白)火燒藤甲建奇功。。

(何首烏英雄白)重上金鑾為國用。。

(銀花英雄白) 方知父女(三槌)

(七之三)

(首烏、銀花食住三槌同紮架同拉打引腔) 是英雄。(父女相視關目而笑)(轉身同跪見駕介)

(人中王白) 平身

(首烏、銀花謝恩起身，擲槌與人中王關目)

(人中王擲槌關目白) 估道是誰，原來何老卿，老卿別來無恙啣

(何首烏白) 年紀老了

(人中王白) 年紀雖老，英雄還在

(何首烏白) 英雄還在，嘎嘎嘎(同大笑介)

(人中王白) 那旁女英雄叫何名字

(銀花白) 小女子名叫銀花

（天冬白）這位銀花小姐，乃是何老英雄的令千金

（人中王白）乜話，乃是何老卿的令千金

（首烏白）正是老臣小女

（人中王白）好，常言虎父無犬子，看來父女皆英雄，令孤喜悅，快些上前聽封

（首烏、銀花同白）臣（跪）

（人中王白）何老卿封為衛國公，何小姐封為威勇侯

（首烏、銀花同白）謝龍恩（起身關目同喜）

（蓮心白）啟奏兄王，天冬將軍救國有功，也當封贈呀

（人中王白）這個自然，天冬賢卿上前聽封

（天冬白）且慢，國家興亡，匹夫有責，微臣救國乃是份所當為，雖然有功，敢妄受封贈，但願主上，

踐諾前言，將郡主許配為妻，萬代瞻恩

（銀花聞言大失所望）

（牛黃白）唏，主上踐諾前言，理當賜郡主與老夫為是，與你甚麼相干

（七之四）

（天冬口古）主上曾言誰人將國救。就將郡主結鸞儔。我殺退敵兵番王捉到手。理當與郡主賦河洲。

當時你按兵旁觀來袖手。而家又爭功爭賞乜咁不知羞。

（牛黃口古）你雖則小小功勞，惟是依然當第九。我功勞大你幾倍，你咪爛滋油。我救國用鎮定功

夫，唔在自家來郁手。我念經嚟救國，有天神天將保護皇州。睇你打到力盡筋疲真正咩。

論功行賞，郡主應份賜我結鸞儔。

（天冬口古）賜我結鸞儔

（牛黃口古）賜我結鸞儔

（人中王白）兩位不用相爭，慢慢來研究。大家講道理，何必咁騾。

(蓮心口古)事實咁顯明，實在不需來研究。一個出生入死，一個只會口浮浮。。一個親手捉到番王，一個總唔郁手。可知誰人退敵為國分憂。。

(何首烏口古)論理當然退敵班師個至係將國救。口話救國有乜憑據，確係冇理由。。

(銀花急拉首烏開台口口古)阿爹，你何必理佢地咁多，好心唔好咁多口。(又扯天冬開台口口古)
恩兄，不如唔娶郡主就罷，我同你訂鸞儔。。

(天冬口古)好心你咪咁顛，而家唔係講笑嘅時候。快的企埋一便，咪咁前世唔修。。

(何首烏急扯銀花行開一邊口口古)乜你居然求婚，咁大個女都總唔生秀。

(銀花扮鬼臉)

(天冬大喝口古)總之郡主應份嫁卑某。。

(牛黃挺身出白)嫁我(用手指住)

（天冬挺身而前白）嫁我（用手搭住）

（人中王口古）唏，何必爭得咁嘈，大家要將秩序嚟守。

（蓮心口古）兄王要主持公道，揸正你個心頭。

（人中王白）真係難難難呀（士工滾花）佢退敵班兵話捉番王，論理當然係將國救。之惟是牛尚書，

念經救國，話召神兵退敵，安慰我不用憂愁。一女又不能嫁二夫，此事真難解救。

（蓮心下句）分明係天冬救國，兄王你太過寡斷優柔。

（牛黃一手扯蓮心開台口唱）精就順從老夫，否則當堂獲罪咎。

（天冬急扯開蓮心過一邊，挺身舉拳對牛黃唱下句）喂，你咪郁手郁腳，顧住我對拳頭。（收）

（牛黃白杭）喂，你咪恃住對拳頭。你拳頭唔鬥得我把口，精就咪出聲，否則我當堂來出首，話你

地私相授受，作弊同謀，你（指郡主）將玉璽偷，你（指天冬）假傳聖旨擅自離職守，欺君

罔上罪難休，論起國法一齊應斬首，快將郡主讓我結鸞儷，否則我立向御前來啟奏（雙句）

(天冬、蓮心大吃一驚，面面相覷心中惶恐，天冬白)不好了(土工滾花唱)明知佢係拋浪頭，但係我自己心虛，不由得我當堂窒咗口。

(蓮心下句)確係欺君罪大，而家我至想番轉頭。

(天冬上句)乜佢消息咁靈通，此事神不覺鬼不知，因何會洩漏。

(蓮心下句)兩公婆見鬼，唔係你洩漏時就我洩漏，君要細細籌謀。

(天冬上句)我搜索枯腸(醒起)呀，此事看來有八九。(扯首烏

(七之六)

父女開台口唱)我假傳聖旨，你兩位有無洩漏(半句)

(何首烏唱半句之半)我並無洩漏

(銀花下半句)若然我有洩漏，你就立刻殺咗我個頭。

(首烏上句)喂，佢要脅你唔嚟，因為情理講得通，唔駛怕佢個衰鬼豆。

（銀花下句）係哩，師兄你完全因為救國，本份於你無尤。。

（首烏唱）若果主上問起上嚟，我地可以異口同聲話否否否。

（蓮心下句）唔認唔得嘅，若然唔認反似內有陰謀。。

（天冬上句）我自問無私，情有可原，雖死亦何懼之有。

（人中王下句）你幾人交頭接耳為乜來由。。（收）

（牛黃口古）天冬佢罪犯欺君當斬首。因為假傳聖旨私自夜出皇州。。

（人中王白）乜話，天冬有此不法（介）禿，大膽天冬，是真是假，快些奏來

（天冬跪下禿頭二王慢板）眾犯欺君，我都自知罪咎。惟是存心救國，所以不得不由。。

（蓮心跪接二王）所有罪名，唔應佢受。因為假傳聖旨，係我主謀。。

（人中王白）可怒也（合尺花）你兩個可謂膽大包天，罪魁功首。容乜易為皇天下，俾你兩個陰謀。。

論起國法要如何，眾卿啟奏。（收）

(牛黃白) 主上，若論國法，本該斬首

(首烏白) 且慢(花下句) 原情論理，功罪兩鈞。。(白杭) 姑念佢地救國有大功，罪名免追究，萬

歲開恩，依臣所奏(雙句)

(人中王白) 好，姑念兩位卿家講情，論功抵罪，惟是杜斬防微，免除不法，御妹此後，無詔不得上

殿，天冬調出守衛午門，內監，又了下去

(蓮心、天冬被叉出台口，摘槌關目依依不捨)

(牛黃行出大喝) 又了下去

(天冬、蓮心喪氣切齒垂淚頓足分下)

(首烏、銀花嘆息介)

(中王白) 內監，傳番王上殿

(快地錦) (勾籐被綁上朝外，立而不跪)

(中王白) 大膽番王，失手被擒，不慘不跪，推出斬首

(牛黃白) 且慢，諒他小小蠻王，死何足道，但是我們乃天朝上國，萬歲乃有道明君，何不略施仁義，

將他赦免，使他年年進貢，歲歲來朝，豈不美哉，主上准奏

(何首烏白) 唏，我想，蠻王乃反覆小人，若然將他釋放，猶如放虎歸山，古道斬草除根，主上定奪
(中王丟其書拋) 唏，以力假人者霸，以德行仁者王，孤乃仁義之君，當以仁義施之，昔諸葛武侯，

七擒七縱而南蠻不復反矣，豈今人不及古人乎哉，蠻王乎，吾不殺汝矣

(牛黃乘機放了勾籐白) 還不謝恩，更待何時

(勾籐謝恩介)

(中王白) 孤家今日放你回去，須要年年進貢，歲歲來朝纔是

(勾籐白) 這個自然，就此拜別(下)

(首烏白) 主上，蠻王回去，定然捲土重來，需要準備才是

(牛黃白) 唏，有老夫在此，何懼之有

(中王白) 着呀，牛尚書道術高強，卿家父女英雄無敵，任他再來，也是無妨

(首烏忽失驚白) 唏，午朝門外，人聲嘈吵，是何緣故呢

(七之七)

(中王白) 有此牛尚書打聽打聽

(牛黃白) 領旨(什邊下)

(沖頭)(牛黃衣冠不整，滿鼻鮮血撲出，狼狽上殿)(指手畫腳說不出聲，意云被他在外打一身)

(大滾花天冬大怒上唱) 奸臣當道真可嘆。蒙閉主上放了南蠻。舉步金鑾忙進諫。(完台下句) 忠

臣梗直不怕犯天顏。(用袖抹過面口轉回顏容白) 覲見萬歲

(中王白) 未有宣詔，因何上殿

(天冬白) 不錯(口古) 請問聖君曾否將番王重辦。

(中王半句口古) 孤家海量

(何首烏半句) 經已放咗出關。

(天冬白) 唉吔 (三才轉身紮架搗的的鼓完口古) 主上放了番王，必定留為後患。猶如放龍出海 (一

槌) 放虎歸山呀。(霸腔士工慢板) 尊一聲，萬歲爺，那番王不是等閒。他明朝，捲土

重來，那時悔之已晚。(浪裏白杭) 放咗那南蠻，唔同咁講頑，今日扯去歸，明天又作反，

魚肉我人民，國家幾破產，我地入死出生，始得掃平國難，點知百戰奇功，如今喪於一旦，

越想越心髒，激到眼癱癱 (慢板下句) 自古道，放虎易，擒虎艱難。(中) 主上若依臣進

諫。輕騎星夜截他還。立即去追猶未晚。若然不聽恨錯難翻。(食住三才收吐口水)

(中王白) 呸 (士工花) 聖天子言出法隨，又豈能悔反。你無庸過問，乜咁不憚煩。

(七之九)

(牛黃白杭) 大早享外出，惡得咁交關，以為係爛盞，我有將你撩犯，點解無辜白白打我一大餐，打

到我面都腫，鼻哥出血口流潺，而今有皇帝睇住，料你不敢再野蠻，有膽敢開來，摸吓都話
你偷雞蛋

（銀花白杭）一日都係佢個死權奸，攪到皇帝專撞板，恩兄怕乜走上前，打衰佢隻病躡癱

（天冬白）可怒也（滾花）誤國欺君攪風攪雨，都係佢個冚家劇。我英雄膽壯，哪怕你個權奸。。怒

沖沖，打你又奈我乜何，駛乜睜大對狗眼。（舉拳頭追牛黃打）

（首烏一攔兩攔收下句）何須動手，顧住觸怒龍顏。。

（中王白）吔吔禿，大膽天冬，金鑾殿上，舉手動足，該當何罪

（牛黃白）啟奏萬歲，天冬有四大死罪，本該斬首

（天冬白）吔，俺所犯何罪，罪犯何條，萬歲跟前，小心講話

（牛黃白）末奏皇詔，撞上金鑾，一罪當斬，午朝門外，毒打大臣，二罪當斬，萬歲跟前，亂吐口水，

三罪當斬，目無君上，大亂金鑾，四罪當斬，主上，這樣讒臣要嚟何用，斬了也罷

(人中王白)真是可怒也(滾花)罵聲天冬好大膽。欺君罔上藐視為王。御林軍，推下金階忙綑綁。
(何首烏白)且慢(滾花下句)恕其死罪念佢在廟堂。(白)主上念他乃是救國功臣，恕其死罪，
有道明君

(人中王白)天冬不法，本該斬首，念在老卿講情，將他赦卻，惟是死罪免了，活罪難饒，御林軍將
他重打八十

(御林軍打天冬介)

(七之十)

(人中王白)豈有此理，吩咐退朝(下)

(群臣下)

(牛黃下)

(何首烏、銀花扶起天冬)

（天冬憤恨難消霸腔士工滾花）空有一片丹心，只換得滿懷孤憤。

（銀花下句）都係奴奴累你被打一身。。

（何首烏上句）伴帝猶如伴虎眠，如此江山不如歸隱。江湖笑傲，勝過做守門嘅將軍。。

（天冬白）好呀（快中板）敝屣功名何須恨。富貴於我如浮雲。。誇喇喇，拋卻虛榮掛冠歸隱。（舉

足欲行收掘）

（何首烏白）且慢，大丈夫來得清時去得明，何不大家在於金鑾殿上，題了詩詞，明俺去志，豈不為

高

（天冬白）講得道理，敢煩小姐研墨侍候

（銀花白）遵命

（天冬揮毫先唱芙蓉中板）國事艱難臣不敏。（寫詩以後均天冬寫）

（何首烏唱下句）愧無良策定國安民。。

(銀花唱上句) 尸位素餐心難忍。

(天冬下句) 不如解甲謝明君。(轉滾花) 寫罷詩詞，難平孤憤。(掛在記案前)

(天冬、何首烏、銀花同唱尾腔) 做一個野鶴閒雲。(同下)

(落幕)

(第八場之一) (照第三場配景)

(七槌頭) (四手下、牛七、勾籐上唱) 前番中了他鬼計。殺得孤家魂魄不齊。捲土重來好聲勢。

管教於他命歸西。叫三軍，趕上一程休阻滯。(介下句) 重重圍困顯軍威。(白) 城樓打

話

(人中王快首板一句) 霹靂一聲心膽震。(與牛黃上城樓花下句) 因何反覆又興動大軍。

(勾籐白) 呸，快快開城受死，如若不然，玉石俱焚

(沖頭) (城內將軍甘草白) 待某來也 (殺出大戰敗入城)

(勾籐率眾人追入城)

(沖頭) (人中王、蓮心、牛黃由城內走出，甘草殿後保護出城)

(勾籐由城內後殺出，甘草截住大戰格住) (牛七挺槍吼緊)

(入中王、蓮心、牛黃搶架下捐出，牛七用槍亂戮，蓮心受傷逃下什邊)

（甘草、勾籐大戰，重傷而死）

（勾籐白）昏君美人通通走了，快些與孤來追

（眾追下什邊）

（落幕）

(第九場)(山林景)

(追思頭，牛黃佩劍，人中王扶蓮心受傷上同唱)

(至寶劍重磨止，蓮心食住鑼鼓坐在地上介)

(人中王合尺花)尚書呀，你睇敵兵追到嚟(合)快快召天兵來打救。(上)

(牛黃花下句)唔知點解天兵唔聽我律令(士)攞到我莫展一籌。(尺)

(蓮心滾花)迷信誤人，豈可恃念經符咒。兄王你不信良言，至有禍臨頭。

(中王花)一日都係你個奸臣(指牛黃)騁起上嚟打過你個衰鬼豆。

(牛黃跪花下句)我如今知錯，主上你咪騁。

(蓮心花)說話之間，神魂不守。

(中王急扶住下句)御妹保重，甦醒悠悠。

(蓮心龍舟)難抵受，痛到有收。虧我傷痕慘重，鮮血掂流。兄王你錯在當初將番王放走。成日恃

住天兵天將不知憂。今日事到國亡，又唔見天兵將你救。一日都係奸臣誤國，遺恨悠悠。

(牛黃接木魚) 我知錯難翻，此後誓不持經念咒。慢圖補救，恢復神州。

(中王木魚) 我此後誓不信佛佞神，而家至知道咩。但不知如何方可復國仇。

(蓮心木魚) 你想恢復河山，另有一條路走。(左口右危) 求天冬復出，為國分憂。說話未完心苦

透，心苦透。至緊搵天冬復國，為我報仇。(死介)

(九場之二)

(中王、牛黃同哭相思介)

(中王花下句) 依你遺囑而做，慰你魂頭。

(沖頭，勾籐率眾殺上)

(牛黃拉中王逃下)

(勾籐率眾追下)

（落幕）

(第十場)(煞科)

(江邊景，正面配漁舟，衣邊水閘側大石)

(銀花漁女裝坐幕，在艇尾煲飯)

(天冬、何首烏披O笠蓑衣挽酒樽上唱追信)

(注意：用橫竹、梵鈴、賓租、結他、喉管和奏不要大笛) 回江灣，天將晚，風蕭蕭，紅葉霜飄散，

雲水滄滄，雪滿千山，泠泠清清，夜靜水寒，嘆榮華富貴等閒，羨煞漁樵樂更閒，明月一彎，
綠水一灣，飛鳥倦知還，夜闌幾分酒意樂清閒(食住閒字唱連序二王慢板天冬唱)閒學懶

(首烏唱序)一天居然食九餐

(天冬唱)朝到晚

(首烏序)扮吓漁翁天咁閒，朝頭反到晚

(天冬唱)不用心煩

(首烏序) 小艇載紅顏

(天冬唱) 真歎。

(首烏序) 有人煮定晏

(天冬唱) 叫聲你喂買到燒酒嘍，今晚冇彈。。(脫簑衣介)

(銀花出接酒大喜，並接二人脫下之簑衣介)

(首烏一聞兩聞，見飯香，大叫弊弊弊介)

(銀花驚慌問何事介)

(首烏謂見飯香介)

(銀花謂話過不會煮飯，現在煮煨咗不如煮過罷)

(天冬謂素喜食煨飯，你真知意思)

(首烏問魚片切好未)

(十場之二)

(銀花謂你地中意(左右右斥)魚鬆就餐餐都(左右右斥)魚鬆喇嗎)

(首烏謂今晚打邊爐，就要切魚片至啱架)

(銀花見自己弄錯不知點算)

(天冬謂咁便煮嗎，等我釣過條喇)

(首烏話入內整邊爐，叫銀花入去煲熟飯先，**同冬**卸下)

(天冬埋衣邊大石釣魚)

(云云，中王扶住牛黃上介)

(中王白杭)從朝搵到晚，走到我一身潺，走到我眼癱癱，走到我抖氣都抖唔番，搵人咁艱難，不如

唔搵個冚家劇(雙句)

(牛黃白杭)主上你莫畏難，國家危亡在一旦，若果唔把救兵班，做人奴隸更唔盞(雙句)

(中王白杭)而家行到肚都餓咯，成日未曾食過一餐飯，四圍一帶都係爛沙灘，唔知邊處至搵到客棧，

嗰處有個漁翁，不如問吓免撞板(坐在地上介)

(牛黃上前作威福介白)喂，金水，邊處有客棧呀

(天冬釣魚置若罔聞介)

(牛黃再叫介)

(天冬略用眼尾一望不理如故)

(牛黃大聲叫，喂，你聾嘅咩金水介)

(天冬以其開言得罪，乃以魚竿所繫之大魚向其面一擲介)

(牛黃大吃一驚，高呼救命介)

(中王聞聲起身上前問何事，知是打魚仔戲弄，本來行到火起，乘機借意消氣，遂上前大拋浪頭，話

鎖話拉介)

(十場之三)

(天冬故意將其戲弄介)

(牛黃一味在中王後撥馬尾)

(中王欺打魚仔勢孤，上前打之，被天冬一腳踏住問起來歷，略寡人乃人中王，被匈奴國壓迫，如今

走到此處，找尋天冬將軍，(左口右危) 佢去打平國患，恢復河山介)

(天冬白) 吖吖，個個天冬將軍吖嗎，易事喇，佢就係個便轉彎又轉彎又轉彎個度就係咯

(中王要打魚仔帶路介)

(天冬不肯，謂要釣魚)

(牛黃叫中王給錢打魚仔帶路)

(天冬謂本少爺不喜歡要錢)

(中王謂至多同你買曬的魚)

（天冬謂我唔捨得賣的魚，你自己去喇，遂將人中王放走）

（中王同牛黃入場）

（天冬叫銀花、首烏出，將經過說知，並認昏君與奸臣，故將二人撚化，特指引他們一條掘頭路介）

（銀花謂佢地唔識路，一定會走番轉頭，再問過路）

（首烏謂佢轉頭就啱曬，我地又再撚化過佢地啫）

（三人耳邊定計介）

（銀花取魚切片，並云飯茶已熟，入來食飯喇）

（首烏、天冬在艇頭擺酒打邊爐介）

（云云，中王、牛黃復走上介）

（中王、牛黃指艇上，將天冬埋怨，謂被個大懵仔指錯路徑，居處並無人居，一塊爛地，想行近又不

敢，恐被再打，只在開便亂罵一大頓）

(十場之四)

(三人看見大笑不止)

(中王見飯大叫肚餓，口水流，惟有坐下大歎悔氣)

(牛黃隨之坐下)

(天冬靜場木魚)真好笑，有兩隻大騮。搵人搵到氣稠稠。。佢肚又餓時雙腳不夠。呢處又無客店，

你話佢有乜收。。叫聲兩位(首烏、銀花)我同你飲勝呢杯酒。飲完又醉樂優悠。。

(中王、牛黃回望更騮)

(銀花木魚)佢地真係唔知醜，係處眼吼吼。隔離狗仔恨到口水流。。

(首烏木魚)餓到佢騮，行到佢瘦。搵埋泡氣，戥佢有乜收。。看誰輸咗就飲落嚨喉。。

(口白猜枚)

(天冬與之猜枚，隨意一人作輸飲酒介)

(中王木魚)真係運唔夠，越想越黝。餓到背脊咯，真係莫展一籌。。你睇人地重打邊爐來飲酒。今晚我地重要街頭露宿，無處求收。。

(牛黃注意數人舉動，略認得依稀介木魚)我睇佢兩人真係熟面口，睇落無虛謬。呀，我恍然大悟，認得佢個嚟頭。。(口古)佢並非別人，就係天冬將軍，冇乜假柳。叫聲萬歲你不用擔愁。。

(中王口古)個個邊處係將軍，你眼花抑或順口。將軍咁尊貴，點會扮得咁摟休。。

(牛黃口古)係呢，佢遊戲人間，世事無奇不有。快些上前下禮，向佢懇求。。(喇)

(十場之五)

(中王睇落幾似，惟是方才與他相爭相啞，不願下禮(左口右危)求，況前者將他責罵，恐記心頭，不如你去求喇)

(牛黃白)呢的係小事啫，小不忍則亂大謀，你不遠關山跋涉，都無非求佢起兵，何以見面反為不肯，

開口喇

(中王白) 咁呀，想落有理嘍，總係要你陪住我，助住威，趁住聲至得架

(牛黃白) 得嘞去喇

(中王先作咳聲，趁起上前，先作揖，正欲開口介)

(天冬見中王作揖來開口，忽大聲猜枚，九呀九呀九介)

(中王大吃大驚，連忙退後，瑟縮不前介)

(牛黃扶之催之，戰戰兢兢上前施禮介)

(中王白) 我估道是誰，原來天冬大將軍，孤王有禮

(天冬喝白) 邊個係將軍呀，混帳，爛屍跣路

(中王冇收，行開，牛黃勸慰之，教其跪下，冇法想，惟有大聲叫將軍救命呀，二人即跪下唱王祥哭

靈介)

(天冬禿頭反線二王霸腔) 你兩人，毋多言，任你千言無用。緣何故，全無禮貌，前倨後恭。。

(首烏接唱)你不該，信讒言，幾次三番，將吾捉弄。你不該，忠言逆耳，當作耳過風。

(銀花反線二王)你不該，方才間，出口傷人，將我幾人戲弄。到如今，急來抱佛腳，道理不通。

(天冬二王)喂屑同佢多言，個的邊爐將凍。

(首烏下句)咁就大眾齊勝，飲曬呢盅。

(十場之六)

(三人飲酒猜枚介)

(中王怨牛黃介合尺花)一日都係你個衰神，做人太慳。點解叫佢做金水，又鬧佢耳聾。呢次我唔

理咁多，若果國破家亡都係由你斷送。睇過如何解救，想吓喇衰公。

(牛黃白杭)萬歲你唔使嬲，而家鬧我都無用，即管再(左口右危)下佢，請佢暫通融，如果都唔肯，

惟有投江自殺嚟盡忠

(中王白杭)自殺唔係好陰功，天寒的水又咁凍，棺材山地乜都有，況且又有人來送終，你死埋我個

份，呢條計策行唔通

（牛黃白杭）自殺係作假依，志在將佢來感動，唔係叫你真去死，使乜驚到面都紅

（中王白杭）咁就即管試吓喇，上前面懵懵，你地幾人唔好怪，我地一時沖撞係發喻風，你要點樣罰，

我乜野都依從

（天冬滋油口古）我而家係一個閒人，你（左口右危）我都無用。睇你地面有飢色，一定餓到肚空。

不如請埋飲杯，之唔好嫌冇餸。試吓呢位姑娘嘅手勢，蝦米（左口右斥）魚鬆

（銀花口古）唉吔，失禮死人，我初覺埋廚煮餸。與你地宮中佳餚美饌，的味道就唔同。。你若果唔

嫌手粗，即管請埋嚟受用。我重一味叫做菜遠炒鱈龍。。

（中王口古）真係講到我口乾，講到我喉嚨都

（十場之七）

痛。佢總總唔理當作耳邊風。。我不若死在跟前，拚將殘生送。（詐喊）我投江來自殺，真

係冇陰功。。(大叫咪揼住我，作投江嚇人介)

(天冬偏偏不理唱木魚)真好笑，有個衰公。佢自尋短見，因為日暮途窮。。佢想話詐死嚇，點知我總唔心動。佢若然真係死呢，喂我地同佢掘定窿。。

(首烏木魚)係呢個的怕死貪生，真係唔中用，唔死都無乜用咯。有誰憐憫，嗰個鼻涕蟲。。

(中王白)咁就想唔死都唔得咯(唱花)佢冷語冷言將吾譏諷。笑我貪生怕死，不肯為國盡忠。。我

憤心頭，不怕把殘生斷送。(跳下水中介)

(天冬花下句)真唔估到佢肯犧牲為國，真係跳入水晶宮呀。。

(牛黃大叫救命介)

(首烏又叫救命介)

(天冬急跳下水救起中王，救甦醒介)

(中王快首板一句)渺渺三魂隨波送。(開邊嘔水介)(花下句)點解又死唔去，做乜東東。。我國破

家亡，唔死都無用。（欲再死介）

（天冬攔花下句）你既係有心救國，我就助你成功。。車邊廂又聽得人聲湧動。

（搗木鼓 中王連忙跪下白）敵兵已至，將軍救命呀

（天冬下句）快些一旁避過，等我先立大功。

（沖頭 匈奴王、牛七、四木甲、全班人馬上）

（十場之八）

（天冬、首烏、銀花三人與敵大戰介）

（殺死眾敵，活捉蠻王介）

（中王大喜，諭命駕回宮，封贈幾人）（煞科）

（尾聲）